



Eqqagassat pillugit nalunaarusiap nalilersorneqaqqinnissaa pillugu Naalackersuisunut inassuteqaateqarnissamik Inatsisartunut aalajangiiffigisassatut siunnersuut, tamatumani kommunit inuit tamat ingerlaarfiini illoqarfinni nunaqarfinnilu sumiiffinni cigaretsit sinnikuinut eqqaavissanik matoqqasunik ikkussuinissaanik peqqussuteqarnissaq pillugu siunnersuut.

(Inatsisartunut Inuit Ataqatigiit ilaasortaataat)

(Siullermeerinnineq)

Isumaqatigiissutigipallassinnaavarput cigarittit kimmivikui pinngortitami maaniinnarmiittut takussunaqisut. Tassunga akisussaasut tassatuaapput inuit pujortartartut ataasiakkaarlutik. Demokraatini taamaattumik pujortartartut tamaasa kaammattorusuppagut cigarittit kimmivikuannik maangaannaq eqqaajunnaaqqullugit. Kaammattuuterput malinneqartuuppat ajornartorsiut piunaviannigikkaluarpoq.

Taamatullu oqareerluta soorunami pujortartartut periarfissaqassapput kimmivikunut iluamik eqqaavissaqarnissaminnut. Inatsisartuni Inuit Ataqatigiit issiatitaasa siunnersuutigaat illoqarfinni nunaqarfinnilu inuit tamat ingerlaarfiini cigaretsit kimmivikuinut eqqaavissanik matoqqasunik ikkussuisoqassasoq. Isumassarsiaq nammineq ajunngivikkaluarpoq.

Demokraatinili maluginiaparput Naalackersuisut suliamik assigusumik aallartitsereersimasut.

Naalackersuisut eqqakkat pillugit nalunaarut nutartigaq tusarniaassutigalugu nassiussoreerpaat. Nalunaarummi tassani allassimavoq kommunalbestyrelsit illoqarfinni nunaqarfinnilu inuit tamat angalaarfiini arsakoofinnik ikkussuinissamut pisussaasut.

Suliaq taamaasilluni aallartinneqareerpoq tamannalu tunngavigalugu Demokraatini uumap siunnersuutp itigartinneqarnissaa inassutigaarput.